

7 Guru SMK Labuan Terima Surat Kenaikan Pangkat



Labuan, 25 April – Seramai 7 guru SMK Labuan diraikan di dalam Majlis Penyerahan Surat Kenaikan Pangkat Sabtu lalu. Majlis kelolaan Sektor Sumber Manusia (SSM), Jabatan Pendidikan W.P Labuan ini telah diadakan di salah sebuah pusat rekreasi di Kg. Sungai Miri.

Menurut Ketua Penolong Pengarah, Sektor Sumber Manusia, Encik Mohd Khairul Hafiz bin Juni, majlis ini diadakan bagi merai dan mengiktiraf kenaikan pangkat Pegawai Perkhidmatan Pendidikan (PPP) dan Pegawai Kumpulan Pelaksana (PKP) secara Time Based Berasaskan Kecemerlangan (TBBK).

Menurut pengetua SMK Labuan, Encik Mohd Nizam bin Yasim, seramai 1 guru telah menerima kenaikan pangkat dari DG48 ke DG52, 4 orang daripada DG44 ke DG48, 2 orang daripada DG41 ke DG44.

Guru-guru yang terlibat ialah Yusfalizah binti Yusoff (DG48 ke DG52), Chua Chee Kiat, Dayangku Halizah binti Pg. Hassan, Liaw Chia Chiun dan Voon Sem Yee(DG44 ke DG48), Juriati binti Jumat dan Nur Hidayah binti Muhammad (DG41 ke DG44) .

“Saya mengucapkan tahniah kepada semua penerima dan berharap pengiktirafan kerajaan ini dapat meningkatkan motivasi diri dan kualiti kerja guru-guru ke peringkat yang lebih tinggi” katanya lagi.

Majlis telah dirasmikan oleh Pengarah Pendidikan W.P Labuan, Encik Yusup bin Haji Mohamad.

“Ini adalah manifestasi penghargaan kerajaan atas sumbangan dan komitmen guru-guru dan menyeru agar kita semua terus istiqamah dan konsisten dalam meningkatkan budaya kecemerlangan dalam organisasi” Encik Yusup Haji Mohamad.

Majlis penyampaian surat kenaikan pangkat diadakan serentak dengan Pelancaran Pergerakan Massa:#TERIMAKASIHCIKGU peringkat Wilayah Persekutuan Labuan.

Berita Oleh : SMK Labuan







